

Broj: 01-04-13-02033/2024-1000-1
Datum, 16.05.2024. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA

n/p sekretar – mr.sci. Izmir Hadživdić

veza Vaš akt broj: 05/2-02-184/24 od 25.04.2024. godine

n/p – delegatkinja Sanela Klarić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:	22-05-2024		
Org. jed.	Broj	Priloga	Vrijednos.
05/2	-02-	184	124

PREDMET: **Odgovor na delegatsku inicijativu zaprimljenu dana 26.04.2024. godine, dostavlja se, -**

Poštovani,

Federalna uprava za inspeksijske poslove zaprimila je dana 12.04.2024. godine akt Federalnog ministarstva okoliša i turizma (u daljem tekstu Ministarstvo), broj: 04/2-19-2-305/24 od 08.04.2024. godine, kojim se dostavlja delegatska inicijativa, podnesena od strane delegatkinje Sanele Klarić, a koja se odnosi na hitnu inspeksijsku intervenciju povodom izvođenja radova na obalama rijeke Plive.

Obzirom da se, nakon pažljivo pročitano zahtjeva, iz dopisa nije moglo jasno odrediti o nadležnosti kojeg Federalnog Inspektorata je riječ (zaštita okoliša, zaštita prirode, vodni, građevinski, ili pak više njih), ovaj organ je aktom br. 01-04-13-02033/2024 od 16.04.2024. godine od Ministarstva zatražio pojašnjenje na način da se jasno precizira o kojim radovima je riječ (građevinskim ili nekim drugim), zatim, na kojem lokalitetu se izvode predmetni radovi (obala rijeke Plive nije dovoljno precizno mjesto), period izvođenja radova i dr.

Nakon što je Federalna uprava za inspeksijske poslove dana 26.04.2024. godine zaprimila Vaš akt, broj gornji, kojim dostavljate dopunjenu delegatsku inicijativu delegatkinje Sanele Klarić, federalni građevinski inspektor je dana 14.05.2024. godine izvršio inspeksijski nadzor na licu mjesta, te konstatovao sljedeće:

Općina Jajce/Općinski načelnik izvodi radove sanacije korita rijeke Plive u Općini Jajce od PR-STG5 (KM -1+257,36) do prirodne kaskade (KM 2+222,58). Investitor za predmetne radove nije predočio dozvolu za izvođenje radova od nadležne institucije. U trenutku inspeksijskog nadzora nisu se vršili nikakvi građevinski radovi. Prema izjavi predstavnika radova, predmetni radovi se izvode na osnovu Glavnog projekta sanacije vodopada i korita rijeke Plive u Jajcu, urađenim od strane „Instituta za građevinarstvo sveučilišta u Mostaru“ i „CONEX“ d.o.o. Mostar, Knjiga 08-C, D/97 iz svibnja 2000. godine i Novelacije Glavnog projekta (Knjiga 08-C, D/97), urađenog od strane „TRASA“ d.o.o. Sarajevo iz septembra 2023. godine.

Prilikom vršenja inspeksijskog nadzora, federalnom građevinskom inspektoru je predočena sjeđaća dokumentacija:

- Zahtjev za izdavanje urbanističke saglasnosti, broj: 02-19-3106/24 od 19.04.2024. godine, koji je Općina Jajce podnijela Federalnom ministarstvu prostornog uređenja;

- Akt broj: UPI/03-19-2-518/24 od 29.04.2024. godine kojim Federalno ministarstvo prostornog uređenja vraća Općini Jajce predmetni spis na nadležno rješavanje, uvažavajući odredbe člana 2. Uredbe o određivanju zahvata u prostoru i građevina za koje Federalno ministarstvo prostornog uređenja izdaje urbanističku saglasnost i/ili lokacijsku informaciju („Službene novine Federacije BiH“, broj: 32/14 i 33/22). U dopisu je, između ostalog, navedeno da, budući da se radovi sanacije korita rijeke Plive ne prostiru na području dva ili više kantona, Federalno ministarstvo nije nadležno za postupanje po predmetnom zahtjevu. Isti je potrebno proslijediti nadležnom kantonalnom organu uprave, ukoliko Općina Jajce nije nadležna za postupanje;
- Zahtjev Općine Jajce/Općinskog načelnika upućen Službi graditeljstva/urbanizma, prostornog uređenja, geodetskih, katastarskih i imovinsko-pravnih poslova Općine Jajce kojim traže izdavanje urbanističke saglasnosti za sanaciju korita rijeke Plive u Jajcu od PR-STG5 (KM -1+257,36) do prirodne kaskade (KM 2+222,58). Prema izjavi predstavnika investitora, do momenta vršenja inspekcijskog nadzora nije stigao odgovor na Zahtjev;

Obzirom da se Federalno ministarstvo prostornog uređenja proglasilo nenadležnim po predmetnom zahtjevu, uvažavajući Uredbu o određivanju zahvata u prostoru i građevina za koje Federalno ministarstvo prostornog uređenja izdaje urbanističku saglasnost i/ili lokacijsku informaciju („Službene novine Federacije BiH“, broj: 32/14 i 33/22), samim tim ni federalni građevinski inspektor nije nadležan da vrši inspekcijski nadzor nad izvođenjem predmetnih radova (federalni građevinski inspektor vrši inspekcijski nadzor nad građenjem za koje Federalno ministarstvo prostornog uređenja izdaje urbanističku saglasnost i/ili lokacijsku informaciju).

Shodno naprijed navedenom, postupajući federalni građevinski inspektor je dopisom broj: UP1-10-19-2-03254/2024-1003-2-P od 16.05.2024. godine dostavio predmetni spis na nadležno postupanje Općini Jajce – Kabinet načelnika Općine Jajce, a dopisom broj: UP1-10-19-2-03254/2024-1003-3-P od 16. 05.2024. godine Vladi SBK – Odjeljenje inspekcije.

Što se tiče Federalnog vodnog inspektorata, obavještavamo Vas o sljedećem:

Federalni vodni inspektorat nije nadležan za vršenje inspekcijskog nadzora nad poštivanjem odredbi Zakona o zaštiti prirode FBiH, kao ni za vršenje inspekcijskog nadzora nad izdavanjem odobrenja za građenje i urbanističke saglasnosti. Također, nema nadležnosti ni u utvrđivanju činjeničnog stanja u pogledu usklađenosti projekata sa standardima i direktivama EU.

Što se tiče radova na uređenju vodotoka, Agencija za vodno područje donosi odluke i vrši pripreme radnje i finansiranje istog. Federalna vodna inspekcija kontrolira vodna akta koja se tim povodom izdaju.

Vezano za oblast zaštite prirode, od Ministarstva je aktom broj: 01-04-13-02033/2024 od 16.04.2024. godine zatraženo pojašnjenje vezano za navode u inicijativi: „prema Zakonu o zaštiti prirode FBiH bilo kakva intervencija u prirodi mora imati dozvolu za izvođenje te intervencije od strane Ministarstva“, i da „svaka intervencija u prirodi mora biti odobrena od strane Ministarstva“.

Obzirom da nije riječ o zaštićenom području, niti koliko je poznato ovoj inspekciji, o ekološki značajnom području, tražene su smjernice u kom smislu i po kom osnovu inspektor zaštite prirode treba da interveniše vezano za predmetnu inicijativu, tj. koju konkretno dozvolu treba da kontrolira. Također, od Ministarstva je zatraženo i tumačenje dijela Zakona o zaštiti prirode („Službene novine Federacije BiH“, broj 66/13).

Shodno navedenom, obavještavamo Vas da će federalni inspektor zaštite prirode, nakon što od Ministarstva dobije tražena pojašnjenja Zakona o zaštiti prirode i smjernice za postupanje po predmetnom zahtjevu, postupati u skladu sa stavom Ministarstva, o čemu ćemo Vas naknadno obavijestiti.

S poštovanjem,

1x Sekretar – mr.sci. Izmir Hadžić,

1x delegatkinja – Sanela Klarić,

1x Evidencija,

1x Arhiva

M.P.



DIREKTOR



Mr. Anis Ajdinović